

استبصار

نومرو ۲۳

بخشیه

۱۹ شباط ۱۳۲۴

نقد خصوصاً در نجی درجه‌ده اولان فرانسه ثروت منقوله خصوصاً
ایم‌تی اوپن‌جی درجه‌ده قالور . بونه اثبات ایدرکه الیوم ثروت ملک اسلامی
صرف نقد منحصراً اولمقدن جیقمش ، ثروت حقیقه محصول مساعیدنک قیمت
ومقدار واهمیتنه مربوط بولمشدر .

مع مافیه فرانسه فضل‌نقد مالیکتی یوزندن بین الملل بر موقع مخصوص احراز
ایتمکده در . فی الحقیقه الیوم فرانسزلر چار افطار جهانده اقراض ایتمش اولدقلری
اوتوز ملیار فرانقله بوتون دنیاده سیاسة واقتصاداً منافع عظیمه استحصال ایدبور ،
وبو افراضادن اکتساب ایتمککری تمتع بین الملل تجارت خارجیه خصوصاً
غائب ایتمکده اولدقلری موقعی تلافی و فرانسه یه سنده بر ملیار فرانق منفعت
تأمین ایلبور .

بوتون بوطالعات خلاصه ایدمک لازم کلیرسه دنیه بیلورکه عالم اقتصادیده
وقوعه کلان تحولات ، قوانین اقتصادیجه حصوله کلان کشفیات ثروتک آلتون
وکوشه انحصار ایتمدیکنی اظهار وارانیه ایتمش ، فقط نقدک قیمت واهمیتی اسقاط
ایتماشدر ، وایدومه جکدر .

بدیع نوری

اجتماع - ازدحام [*]

انسانلری حیوانات سارمندن تمیز ایدن تمایلات طبیعیندن بریده یکدیگره
معاونت و مشارکت ضمنتده بر آراهه کلوب جمعیت تشکیل ایلملریدر . مجله‌ده
انسانلرک بو حسن طبیعیلری «انسان مدنی الطبع اولدیغندن سار حیوانات کبی
منفرداً یشایه میوب بسط بساط مدنیت ایله یکدیگره معاونت و مشارکت محتاجدر»

[*] ارکان تحریریه مزدن احمد رشید بکک «قانون اساسیمز فصل اصلاح اولنالی»
عنوانیله «استشاره» نک ۱۴ نومرولی نسخه‌لرنده مندرج اولان مقاله‌لرندن
بری‌ده «حق اجتماع» دایر ایدی . حق اجتماعه دایر رسمی غزنه‌لرده کوریلان تبلیغات
رسمیه اوزرینه اثبو مقاله‌نک دخی نشرینه مسارعت ایدلدی . - استشاره -

— ماده ۱ — صورت‌ده تصور ایدلمش اولوب بوندن انسانك اولا بر جمعیت اینجده
یشامسی نانیاً دائماً تکمل اینجون اوغراشمسی کبی ایکی مهم استعدادی حاز اولدینی
مستفاددر. زیرا مدنیت بو ایکی صفتک اجتماعله قاعددر. بشریتک بو استعدادی
اوتندن برو کورلمشدر. فلاسفدن ارسطو تالیس (قبل المیلاد ۳۸۴) ایله خطبان
چیچرون (ق ۱۰۶) اثرلنده بوندن بحث اتمشدر.

حق اجتماعك بلاقید تطبیق ایدلمسی آسایش عمومی بی اخلاص ایده جکی کبی
حکومت اینجده حکومت *Imperium in Imperio* تشکله سبیت و بره سیله جکندن
واضع قانون بو حق بر طاقم قیود و تهدیدانه تابع ایلمشدر. ازمنه قدیمده
جمعیتلرله اولنره داخل اوله حق اشخاصك عددی قانوناً تعیین ایدیلور ایدی.
روماده جمهوریت زمانده رومالورک جمعیت تشکیل ایلما رینه هیچ رمانع قانونی
یوق ایدی. جمهوریتک نهایتنه طوغری فرق سیاسیه اراسنده تحدت ایدن
مجادلات سیاسیه نتیجه سنده سناتو طرفدن جمعیتلر حقنده بر طاقم قیود تحدیدیه
وضع ایدلمشدر (ق ۶۸).

ژولیوس قیصر بو خصوصده دها ایلرو کیدرک اول زمان جمعیتلرک فسحق
امر ایلش و یکیدن جمعیت تشکیل و اقامه سی رخست رسمیه به متوقف اولدینی
قاعده سی وضع ایلمشدر.

قرون وسطاده بو باده بر قاعده قطعیه ارا نه ایدیله من. او زمانلرده جمعیتلرک
مقصد تشکله کوره احکام قانونیه دخی تبدیل ادر ایدی. شویله که حکمدارک
حیاتنه قصد ویا اصول اداره بی تبدیل اینجون جمعیت تشکلی قانوناً منهی و فقط
بویله بر مقصدله تشکلی ایتیمان جمعیتلر مجاز ایدی. فرانسه ده جمعیت تشکلی کیفی
حال حاضری بولنجیه قدر کچن مدت اعتباریه ارج دوره به تقسیم اوله ییلیر.

دوره اولی — جمعیت تشکلی نه مقصده منی اولورسه اولسون آسایش
عمومی داخلی بی محل حرکاتدن عدا یدیلیر و ضابطه اداره بونلری تحری و حکومت
موجودیتلرینی بیلدیرمکله مکلف طوبیلور ایدی و حکومت دخی خفی جمعیتلر ایله
منتسبیلری حقنده شدله معامله ایلر ایدی.

دورهٔ ثانیه — شدت و ممنوعیت سابقه‌ایله سربستی نام جاری اولمیان دوره دره .
 قانون ثانی ۱۷۸۹ تاریخی امرنامه احکام منجه : « اولجه ضابطه بی خبردار
 ایلمک شرطیله افرادک بمض خصوصاً تک تذکری واولبایده مقررات اتحادی
 ایچون مسلح اولمیرق اجتماع ویا جمعیت [۱] دائم تشکیل ایتمک حقلری واردر »
 دینلمشدر

دورهٔ ثالثه — بلاقید و شرط سربستی اجتماع و تشکیلی دوره سیدر .

۱۷۹۳ دن ۱۸۷۱ سنه سنه قدر سربستی اجتماع و جمعیت تشکیلی قضیه سی
 تمیدیلته اوغرامشدر . هله ۱۸۱۰ سنه -نده قانون جزایه بر ماده مخصوصه وضع
 ایلمکله سربستی اجتماع و جمعیت تشکیلی ماده سی قانوناً برجرم عد ایلدی .
 مذکور ماده نك مالی : « هر کون ویا اوقات معینه مسائل دینه ، ادبیه ،
 سیاسیه و سائر ایله اشتغال ویکرمی کشی بی تجاوز ایده جک جمعیتلر حکومتک
 اذنی استحصال ویا حکومتک وضع ایلیه جکی شرائط و قیوده اتباع ایتمکسزین
 عقد اجتماع ایده مزه قانون جزا ماده ۲۹۱ -

بناه علیه قانون جزا ایچق یکرمی کشی بی تجاوز ایدوب هر کون ویا اوقات
 معینه اجتماع ایتمک اوزره تشکل ایدن جمعیتلری منع ایدر ایدی نهی قانونی به
 انقیاد ایلمک صورتنده قانونک مقصدینه منافی حرکت ایکی طریق ایله وقوعه
 کله بیلدی : (۱) مارالبیان ۲۹۱ بجی ماده سنک مفهوم مخالفدن منضم ایدی که اعضایی
 یکرمی کشی بی تجاوز ایتمان جمعیتلر قانوناً منهی دکلدر . بناه علیه جمعیت موجوده
 هربری یکرمی کشی بی متجاوز اولمیان جمعیت صغیره صورتنه کله رک حکومتک
 اذنی استحصاله محتاج اولمقسزین دوام ایلدیلر . ۲ نجی طریق ایسه اوقات معینه
 اجتماع ایتمه رک اعضایی موجوده بی هر اجتماع ایچون دعوت ایلمکدن عبارت
 ایدی . بصورتله لویی فیلیپ حکومتی تهدید ایدن Droits de l'homme جمعیت

[۱] اجتماع ایله جمعیتی بری برندن تفریق ایتملی :

اجتماع réunion برحال عارض افاده ایدر جمعیت association ایسه ثابت ودائمی
 برماهیق حائزدر . اونی تشکیل ایدن اعضا مناسبات دائم ومنتظمده بولنورلر .
 - استشاره -

معظمه سی شکل ودوام ایلمشیدی .

..

قانونه مخالف اولماق شرطیله دائرة فعالیت بشریه ده بولسان هر بر فعل جمعیتک مقصد وسبب تشکیلی تشکیل ایدمیلیر . بناء علیه بونلرک نوع وماهیقی مقصد تشکیلیه تعین ایدر . مثلاً خسته ومجروحینه معاونت ایچون تشکیلی ایدن جمعیتلره ، جمعیت خیریه ؛ نشر معارف ایچون تشکیلی ایدنلره دخی جمعیت ادبیه دیرلر . معاملات بحاریه اجراسی ایچون منعقد جمعیتلره لسان قانونده شرکت Société نامی وریلور .

بومطالعه ده بونلردن بحث ایدلمیه جکدر . انجق مقصد تشکیلی قانوناً ممنوع بر فملی اجرا ایلمک اوزره تشکیل ایدیلان جمعیتلر — که جمعیت مضره ، فاسده دینور . associations illicites — حفته ده تطبیق ایدلمیه جک احکام قانونیه دن بحث ایدلمیه جکدر .

زده اجتماع وجمعیت تشکیل ایلمک خصوصاری اعلان مشروطیتله وجود بولمش یکی یکی شیاردر . اداره سابقه هروطن یاور یسنده بردشمن ملت کورمک معتادی اولدیغندن بونلرک بر قاجی برارایه کلوب بعض خصوصاً تک تذکری ومقررات انخذ ایلملری آتی اندیشه ده دوشورمکدن خالی قالمیه جفی بدیهی ایدی . هله اورویاده اداره مستبدیه تی تخریبه کمال کرمی ایله چالشان جمعیتلرک — قومیه لرک داخل ممالکک افکارینی مین اوراقی ادخال ایلدکلرینی کورنجه اجتماع وجمعیت تشکیلی خصوصتک منعی ضابطه تک باشلیجه وظیفه سی اولمشدر . بوکا دائر وضع ایدیلان قیود وحدود بوبابده فرانسه ده ۱۷۹۹ سنه سنده منتشر امرنامه احکامنه صورتاً شبیه ایسه ده تطبیقاده انخذ ایدلمش اولان تدابیر زجریه بوندن پک فرقی ایدی . نه مقصده مبنی اولورسه اولسون حتی بر مقصد وطنپرورانه ویا معارفپرورانه به مبتنی بولنسون اجتماع ویا جمعیت تشکیلی حکومت سابقه تک اول قدر خوف واندیشه سی موجب اولوردی که بونلره قانوناً مجاز اولان رخصت دائماً دریغ ایدیلور ایدی . قوانین موضوعه واولیابده توارخ مختلفه ده اصدار ایدلمش تحریرات

احکامه اجتماع و جمعیت تشکیلی فعللری اساساً جرم عدایدیلردی . شوقدر وارکه اسایش عمومیه وداخلیه و خارجیه بی اخلال مقصدیلله اجتماع ویا جمعیت تشکیل ایلمک قانون جزانک باب اولنک حکمنه نظرأ جنایت عدایدلمک اقتضایدلر . شوبله که «جمعیت» شقاوته داخل اولانلر یعنی بولتیقه خصوصاً ستدن طولانی طریق شقاوته سالک اولانلر و پادشاه علیهنه تبه دولت علیه بی عصیان ایتدیرمک ویا مالک محروسه اهالیسی یکدیگری علیهنه تحریک قصدبله ایکی ویا دهها زیاده اشخاص پندده بر «اتفاق خفی» تشکیل اولنوب اسباب اجراییه سی ده تهیه اولنورسه اول «اتفاقره» بولنانلر و دولت علیه نک اموال و امواکی ویا اهالینک املاکنی غارت ایتمک ضمننده تشکیلی اتمش اولان مساح اشقیاء «جمعیت» باش اولان ویا بو «جمعیت» ایچنده بولنانلر اعدام اولنورلر . اشقیاء و حیدود «جمعیتلری» شرکت صورتنده بولنه جغندن بو «شرکت فسادیه نک» امورینی اوزاقدن ویا یقیندن اداره ایدن ویا بوکی «جمعی» ترتیب ایلیان ویا بولنره طوعاً سلاح و ذخیره و سائر تدارک و بولنره مخارءه خفیة فسادیه ده بولنانلر و بولنره یتاجق یرتدارک ایدنلر موقتاً کورکه قونیتورلر . (قانون جزا ۵۷ - ۵۸ - ۶۲ - ۶۳ - ماده لری) اجتماع و جمعیت تشکیلی فعلی منهی عنه اولمغله بولنرک منع وقوعی اداره ضابطه نک باشلیجه وظیفه سی اولمسی اقتضا ایده چی بدیهی ایدی . لکن نه ضبطیه و وظائف ملکیه نظامنامه اساسینده نه ده اکا تواریخ مختلفه ده ایدیلان علاوات و تعدیلاتده حکومتک بوقدر عطف اهمیت ایلدیکی شومسائل مهمه حقنده هیچ برصراحتیه مصادف اوله . میورز واضع قانون کویا نوع بشرک مابه التمدن اولان بوحق طبیعیه سنه تعرضدن توحش ایدرکی اولیور انحق استبداد هرزماندن زیاده حقوق ملتی قصر و تضییق ایلدیکی هنگامده وضع اولنان پولیس نظامنامه سنک ۸۷نجی ماده سنک فقره ثانیه سنده بوکا دأر جزئی برصراحت کور میورز : «پولیس مأمورلری بمنوع اولان «جمعیتلری» طاعتمه برابر بونده برسومیت و مقصد اولدینی تحقق ایلدیکی تقدیرده اجتماع ایدنلری دردست ایلده جکدر» دنیلمشدر (جدیدجریده محاکم ۶۲۹ - ۶۴۹) . ذاتاً اشبو نظامنامه نک تاریخ نشری اولان تشرین ثانی ۳۲۳

تاریخنده ممنوع اولمیان جمعیت یوق ایدی .

واضع قانونك بوبابده «جمعیت» تعبیریه ازدحامی attroupement قصد ایلمش اولدیغنه قطعاً شبهه یوقدر چونکه جمعیتدن مرادی «اعضاری اراسنده بر رابطه معنویه احداث ایله بر فعل معینی اجرا ایچون تشکل ایدن جمعیتلر ایسه» بونلرک ممنوعیتی اولا رخصت لازمه بی استحصالی ایتماش اولملریله ثانیاً مبنی علمی اولان فعلك قانوناً ممنوع اولدیغنك صور قانونیه دائره سنده آتایلیه تظاهر ایدر ایدی بوندن بشقه فقره نك «رسوئیت ومقصد اولدنی تحققی ایلدیکی تقدیرده اجتماع ایدنلری دردست ایلیه جکدر» عبارته سی شومطالعهمزی تأیید ایدر . زیرا اجتماعنده حاضر اولمیان جمعیت اعضاری دردست ایلمامك اقتضا ایدر ایدی که بو اول زمانك واضع قانونك تجویز ایده چکی شیردن دکل ایدی .

قوانین خصوصیه مزده برچوق دفعه جمعیت واجتماع تعبیرلری ازدحام یرینه استعمال ایلدیکی شهودمزدور . ۲۱ تشرین اول ۳۲۴ تاریخنده نشر ایدیلان استقرار اساسی ضمیمه پولیسلره ترفیق اولنان قوللر ایله قوه مسلحه عسکریه حقه نده کی تعلیماتمه نك بشنجی ماده سنده واضع قانون بوتعبیرات اراسنده کی قانوناً موجود اولان فرقی کوزتمیه رك ازدحام یرینه جمعیت تعبیرینی استعمال ایلمشدر . ماده مذکوره حکمنجه : «برشورش انساننده بر جم غفیری طاعنق وسکون وایشی اعاده ایتمک ایچون سوق اولنان قوه مسلحه قوماندانی «جمعیت» مذکوره مسلح ایسه «اول امرده «جمعیتك» طاعلملرینی تکلیف ایدر تکلیف واقع نتیجه سز قالیرسه «بورو ویاخود ترومپهت ایله اشارت ایلدکدنصکره تکلیف واقعی تکرار ایدر «جمعیت» اتی اصفا ایتمدکلری حالده عسکره اش ایتمکسزین برنجی ماده نك فقره «اخیره سی وجهله استعمال سلاح امرینی ورر اکر «جم غفیر» مسلح دکلسه «برنجی بورو و ترومپهت اشارتندن صکره «جمعیتك» طاعلملری ایچون نصح «ویند ایدر «جمعیت» طاعلمدقلری حالده اوچ دفعه تکلیفی تکرار ایدوب مقاومت «کوردلیکی حالده ینه آتش ایتمکسزین استعمال سلاح امرینی ورر» بالاده عیناً درج ایدیلان ماده قانونیه ده کوردلیکی وجهله ازدحام یرینه جمعیت استعمال

ایدلمکده در. لکن ارالزنده فرق اولدینی ظاهر در. جمعیت شخصیت معنویہی
حاز برهیندر ازدحام ایسه بویله شخصیتی حاز اولدینی کی اونی ترکیب ایدن
افراد اراسنده بر رابطه معنویہ احداث وشخص معنوی ایله اشخاص مشخصه
اراسنده مناسبات معینده بولنماق کی فرقلری واردر جمعیت ایله ازدحام حقنده
واضع قانون هربری ایچون احکام قانونیه مستقله وضع ایلمله ایری ایری شیلر
اولدینی قبول ونسایم ایلمش اولور. بناء علیه جمعیت حقنده کی احکام قانونیه ازدحام
حقنده قابل تطبیق دکدر .

مکتب حقوقدن

زاق استغازی

مدنیت حاضرہ نك موضوعات كاذبه سی

مانه ، تهسل ، فارس

اقتصاد اجتماعی ده، عین خستہ لقی، باشقه بر شکل آلتندہ وینه اوصاف مخصوصه
ایله مشهود اولور . زنکینلرده، بوش یرہ ، حس آسودکی وذوق تملک آراریز .
فقیرلرده سفالتہ بر توکل صبورانه کورمک ممکن ادماز . زیرا هر احتمال و تخمینہ
افظر آ سفالت دائما موجود اوله جقدر . زنکین ، یقین بر تہلکه قورقوسیلہ
بزاردر . او ، انسانلردن، حادثاندن مبہم وفقط یک حقیقی بر تہدید حس ایدر .
واوکا ثروتی کویا بر اودونج بارہ ایمشده بوکون یارن عنف وخشونت ایله طلب
ایدیلہ حکمش کی کورینور .

فقیر ، بر حسده طوتولش ، آخرک اموالی مطلع نظر ایتشد . او، فقیر
وسفرہ حیاندن تبیید ایدلمش قلمتی ایچون — نه کندیسندہ ، ونده کندی
آکلاپشنہ کوره صورت اشکل عالمده — اسباب کافیه بولاماز . روحی ، عقورانه
برص — بر سزاق ایله ملو اولدینی حالده بالجلہ اموال ایچون ، کندی حقنک
اغیانککندن آز اولمادیغنه اقناع ایدن صدای دروینسی دیکار .
زنکین ، قورقار . فقیر شرائط اقتصادیهده بر تبدل اومار و آرار . هیچ کیمسه ،